

## **Tswana - Mowa Tlhabano Dikwalo - SW Intro Scriptures**

**Luka 17:5 Jaanong baapostolo ba raya Morena ba re: "Re okeletse tumelo!"  
BaRoma 10:17 Jaanong he, tumelo e tla ka thero, thero yona e tla ka taelo ya ga Keresete.**

**Luka 11:1 E rile a le kwa felong gongwe, a rapela; ya re a khutla, mongwe wa barutwa ba gagwe a mo raya a re: "Morena, re rute go rapela, jaaka Johane le ene a rutile barutwa ba gagwe."**

**1 Timotheo 2:1-4 Jaanong ke kaela pele ga tsotlhe gore dikopo le dithapelo le dithapelelo le ditebogo di direlwe batho botlhe. 2 le dikgosi le botlhe ba ba leng bagolo, gore re nne le bophelo jwa boiketlo le tidimalo ka poifo-Modimo yotlhe le ka tlotlego. 3 Go dira jalo go molemo, go bile go natefela Modimo, Morepholosi. 4 o o ratang gore batho botlhe ba pholosiwe le go fitlha mo kitsong ya boammaaruri.**

**Sagaria 3:1,2 Jaanong a mpontsha Jošua, moperesiti yo mogolo, a eme fa pele ga moengele wa Morena, le Satane a eme ka fa letsogong le le jang la gagwe go mmaya molato. 2Mme moengele wa Morena a raya Satane a re: "A Morena a go kgalemele, wena Satane! Ee, Morena yo o itlhophetseng Jerusalema a a go kgalemele! Yoo a ga se motswaiso o o swatotsweng mo molelong?"**

**BaEfeso 6:12 gonne ga re Iwantshe madi le nama, mme re Iwa le mebuso le bathata le barena ba lefifi la lefatshe leno le mewa e e bosula e e mo mafelong a a kwa godimo.**

**BaEfeso 6:10,11 Bakaulengwe ba me, ke fetsa ka go re: Thatafalang mo Moreneng le mo thateng ya bonatla jwa gagwe. 11 Aparang tsotlhe tsa tlhabano tsa Modimo gore lo tle lo kgone go emelana le mekgwa ya tsietso ya ga Diabolo.**

**BaEfeso 6:13-17 Ka moo, tsayang dibolai tsotlhe tsa Modimo gore lo itse go inamola ka letsatsi le le bosula le go nna lo ntse lo erne, lo sena go fenza tsotlhe. 14 Emang he, lo itlamile matheka ka boammaaruri, lo apere sefemela-sehuba sa tshiamo. 15 le mo dinaong lo rwele iketleetso ya Efangele ya kagiso, 16 lo tshotse thebe ya tumelo bogolobogolo e lo tla kgonang go tima metswi yotlhe e e tshubang ya yo-o-bosula ka yona. 17 Lo be lo tsee futshe ya tshipi ya namolelo, le tshaka ya Mowa, e bong Lefoko la Modimo.**

**BaHebere 4:12 Gonne Lefoko la Modimo le a tshela, le a dira, le bogale go feta tshaka nngwe le nngwe e e magale mabedi; le a phololela, le be le kgaoganye botshelo le mowa le malokololo le moko, le atlhole dikakanyo le maikutlo a pelo.**

**Luka 4:8 Jesu a mo araba a re: "Go kwadilwe ga twe: 'Obamela Morena,**

**Modimo wa gago, o direle ena a le esi fela."**

**BaEfeso 6:18** **Io ntse lo rapela ka gale ka Mowa ka merapelo yotlhe le ka mekokotlelo, mme lo nne lo thantse ka ntlha ya moo ka tlhomamo yotlhe, lo rapelele baitshepi botlhe.**

**1 Samuele 17:45-47** **Mme Dafita a raya Mofelesita a re:** "Wena o tla kwa go nna ka tshaka le ka lerumo le ka lerumonyana. Mme nna ke tla kwa go wena ka leina la Morena wa masomosomo, Modimo wa mephato ya Israele, e o e kgobileng. 46 Kajeno Morena o tla go neela mo seatleng sa me gore ke go feny, ke go kgaole tlhogo. Setoto sa gago le ditoto tsa mephato ya Bafelesita ke tla di neela dinonyane tsa loapi le dibata tsa lefatshe kajeno gore lefatshe lotlhe le tle le itse gore Baiseraele ba na le Modimo; 47 le gore phuthego yotlhe e ya batlhabani e lemoge gore Morena ga a pholose ka tshaka le ka lerumo, gonne tlhabano e ke ya Morena. O tla lo neela mo diatleng tsa rona."

**Luka 10:17-20** **Jaanong ba ba 70 ba boa ka boitumelo ba re:** "Morena, medemone le yone e re ikobela ka leina la gago." 18 Jesu a ba raya a re: "Ke ne ka bona Satane a wa kwa legodimong jaaka logadima. 19 Bonang, ke lo neile thata ya go gata dinoga le diphepheng le ya go fenza nonofo yotlhe ya mmaba; ga go sepe se se ka lo direlang bosula ka gope. 20 Fela lo se ka lwa itumelela moo, fa mewa e lo ikobela, mme itumeleng, ka maina a Iona a kwadilwe kwa magodimong."

**2 BaKorinthe 10:3-5** **botlhe ba ja sejo se le sengwe fela sa mowa;** 4 **botlhe ba nwa seno se le sengwe fela sa mowa;** gonne ba ne ba nwa se se tswang mo lefikeng la mowa le le ba setseng morago, mme lefika leo e ne e le Keresete. 5 **Mme Modimo wa se ka wa kgatlhwak bontsi jwa bone;** gonne ba bolaetswe mo sekakeng.

**Mattheo 16:19** **Ke tla be ke go neele dilotlele tsa puso ya magodimo;** **sengwe le sengwe se o tla se bofang mo lefatsheng,** se tla bo se bofilwe kwa magodimong; mme se o tla se bofololang mo lefatsheng, se tla bo se bofolotswe kwa magodimong."

**2 Timotheo 1:7** **Gonne Modimo ga o a ka wa re naya mowa wa boboi,** mme e le wa thata le wa lorato le wa boitshwaro.

**Mattheo 12:28,29** **Mme fa ke kgarameletsa medemone kwa ntle ka Mowa wa Modimo,** foo puso ya Modimo e tla bo e tlile go Iona. 29 "Motho o ka tsena jang mo ntlong ya monna wa senatla, a thopa dithoto tsa gagwe, fa a sa golega senatla pele? Mme fa a sena go mo golega, ke gona o ka thopang tsa ntlo ya gagwe.

**BaEfeso 1:13** **Le Iona, e rile lo sena go utlwa Lefoko la boammaaruri,** e bong Efangele ya go pholosiwa ga Iona le go dumela mo go ene, Iwa kanwa mo go ene ka Mowa o o boitshepo o o solofeditsweng.

**Ditiro 19:6** **Mme ya re Paulo a ba bay a diatla,** Mowa o o Boitshepo wa tla mo

**go bone, ba bua ka diteme, ba be ba porofesa.**

**Mareko 16:15-18 A ba a ba raya a re: "Yaang le lefatshe lotlhe, lo rerele lobopo lotlhe Efangele. 16 Yo o dumelang, a ba a kolobediwa, o tla pholosiwa; yo o sa dumeleng ene o tla atholwa. 17 Ditshupo tse di tla supelang ba ba dumelang ke tse: Ba tla kgarameletsa medemone ntle ka leina la me; ba tla bua ka diteme tse dintshwa. 18 Ba tla tsholetsa dinoga; mme le fa ba ka nwa se se bolayang, ga se nke se ba dira sepe. Ba tla baya balwetse diatla, mme ba tla fola."**

**1 Johane 1:9 mme fa re ipobola maleo a rona, ona o boikanyo le tshiamo go re itswarela maleo le go re itshekisa tshiamololo yotlhe.**

**Ekesodu 20:5 O se ka wa e obamela le e seng go e direla. Gonne nna Morena, Modimo wa gago, ke Modimo o o lefufa, o ke beletsang bana tshiamololo ya borraabo go ya losikeng Iwa boraro le Iwa bone Iwa bona ba ba ntloang.**

**DipeSalome 109:17 O ne a rata khutso, a e mo wele; o ne a sa rate tshegofatso, a e nne kgakala nae!**

**Baathodi 16:16 Mme ya re ka a mo tshwenya ka mafoko a gagwe ka malatsi aotlhe, a mo emeletse, a fela pelo, mo e keteng a ka swa,**

**BaEfeso 4:26 Galefang, mme lo se ka Iwa leofa; a letsatsi le se phirime, lo ntse lo galefile.**

**BaRoma 14:12 Ke ka moo mongwe le mongwe wa rona o tla ikarabelang ka boene mo Modimong.**

**1 Johane 2:23 Mongwe le mongwe yo o itatolang Morwa, le Rara ga a na nae; yo o ipolelang Morwa, le Rara o na nae.**

**Johane 14:6 Jesu a mo araba a re: "Ke nna tsela le boammaaruri le bophelo; ga go ope yo o ka fitlheng kwa go Rara fa e se ka nna.**

**Mattheo 11:28-30 "Tlaang kwano go nna lotlhe ba lo lapileng, ba lo imelwang; nna ke tla lo lapolosa. 29 Ipeleseng jokwe ya me, lo ithute mo go nna; gonne ke bonolo le boikokobetso mo pelong, mme lo tla bonela mewa ya lona tapologo. 30 Gonne jokwe ya me e bonolo, morwalo wa me o botlhoho."**

**2 BaKorinthe 6:2 gonne o a re: "Ke go utlwile ka nako ya go ka amogelwa, ke go thusitse ka letsatsi la pholoso." Bonang he, jaanong ke nako ya go ka amogelwa gentle; bonang, jaanong ke letsatsi la pholoso!**

**BaRoma 10:13 gonne ga twe: "Mongwe le mongwe yo o tla bitsang leina la Morena o tla pholosiwa."**